



袁中郎先生全集

後學賀熙齡
題籤

~ 16
2676
3



16
2676
3



梨雲館類定袁中郎先生全集卷之三

公安袁宏道中郎著 孫憲健菘圃重鐫

七言古

嘆鏡

湖州鏡子開生練。昨日紅顏今皺面。只道鏡子不長情。誰知我面時時變。背文回合雙蛟戲。千

袁中郎先生全集卷之三 七言古



袁中甫先生全集 卷三
鍾粟錦藏鴛翅。潤眼方鼻淺翠紋。古櫛盤屈烏
銀字拂拭。旋生縷縷烟。摩挲喜得重重翠。古往
今來半尺銅。人間多少傷心淚。

東阿道中晚望

東風吹綻紅亭樹。獨上高原愁日暮。可憐驪馬
蹄下塵。吹作遊人眼中霧。青山漸高日漸低。荒
園凍雀一聲啼。三歸臺畔古碑沒。項羽墳頭石
馬嘶。

少王郎爲王幼度作

寒氣如山壓霜重。珠閣銀題連曉動。吹笙十五
少王郎。手搦青梧拴綵鳳。禿衫淺揖無賓主。滿
握青烟噴白塵。金爐霍霍獅子鳴。膩燭雙雙芙蓉
吐。乳花如雪滴春香。百刻無多情則長。西施
入越夷光死。鸚鵡無魂鴛斷腸。麗娃宮裏苔三尺
旋拂遺綦嗅香跡。古井晶瑩惱殺人。夢裏行
雲誰到席。

惠山僧房短歌

山骨連牆粘碧篠。穴苔自種吉祥艸。茶到三鍾也醉人。花無百枝亦藏鳥。少年長老姿格清。竹鑪蓮卷古先生。東風不道禪心定。吹入山頭環珮聲。

迎春歌和江進之

東風吹暖婁江樹。三衢九陌凝曉霧。白馬如龍破雪飛。犢車碾水穿香度。鐃吹拍拍走烟塵。玄

服靚粧十萬人。羅額鮮妍芬綵勝。社歌繚繞簇芒神。緋衣金帶印如斗。前列長官後太守。烏紗新縷漢宮花。青奴跪進屠蘇酒。採蓮舟上玉作幢。歌童毛女白雙雙。梨園舊樂三干部。蘇州新譜十三腔。假面胡頭跳如虎。窄衫繡袴搥大鼓。金蟒纏胸神鬼裝。白衣合掌觀音舞。觀者如山錦相屬。襍沓誰分絲與肉。一絡香風吹笑聲。十里紅紗遮醉玉。青蓮衫子藕荷裳。透額垂髻淡

淡粧拾得春條夸姊妹袖來瓜子擲兒郎急管
繁絃又一時千門楊柳破青枝獨有閉門袁大
令塵擁書床生網絲

江南子

鸚鵡夢殘曉鷓起女眼如秋面似水皓腕生生
白藕長回身自約青鸞尾不道別人看斷腸鏡
前每自銷魂死錦衣白馬阿誰哥郎不如卿奈
妾何

其二

白玉蒙沙花出泥東家老漢得嬌妻少年不道
妾心苦夜夜門前亂烏啼妾心甘作井底水郎
君錯走路旁蹊誰家門前無鷓子歸去且自看
家鷄

其三

蜘蛛生來解織羅吳兒十五能嬌歌舊曲嘹厲
商聲緊新腔擘緩務頭多一拍一簫一寸管虎

表中國先生全集 卷三
四
坵夜夜石苔暖家家宴喜串歌兒紅女停梭田
畷懶

其四

湖蠶吐練光如水桑娘夜織金閨裏熟作綾絨
生作紗挑盡蟲魚與花藥年年宮樣換新機一
蟲能作幾般絲父當解戶兒塘長官家頭運五
月時

其五

白面青髭美少年朝投五木暮攤錢百千一注
不洗手贏來賭取少娃眠男兒作事勿偃蹇黃
金博盡終當轉莫道腰間無一文閨中少婦猶
堪典余在吳見博徒有典妻者

美人睡起詞

鶯舌般般學人語隔溪喚醒厭春女寶枕花酣
龍腦雲粉香暈透猩紅雨花前軟步詢鸚鵡歡
醉歸來時幾許開粧重點聖檀心夜明簾外金

沙吐

蘭舟引

東風染就藍花水
刀鱗十寸青帶子
鴉鵲啣母下灘
眠聞歌一翅衝烟起
人扇風香白芷苗鈎
衫刺短迷陽
葦畫船樓櫓
賊波來美人一笑蝦鬚裏

西閨女兒歌

爲吳郎姬再合賦

西閨女兒芳菲早
穠華一樹爲君老
根株憔悴

可惜人和枝生折
鴛鴦草東風一夜
蹙雙水又逐三家
震燕子莫道楊花
無定踪吹來還入
舊巢裏

巷門歌

猫竹爲墻杉作城
白日赤丸盜公行
官軍防禦無計策
逐戶排門呼土兵
衛尉呵持急如虎
老弱十家充一伍
本是市上傭工兒
身無尺籍在官府
東家黃金高于天
食指盈千皆少年
朝朝

門前科子母何曾饒得半文錢富兒積財貧兒
守父老吞聲嘆未有

春江引

溪激激草萋萋野桃露滴珊瑚紅花氣曉腥魚
子浪柳枝晴扇麥苗風美人羅袖撲香葢科斗
旋旋丁子尾百舌欲止復衝人一聲滴溜芳蹊
裏

春曉曲

蘭燈葢綻白光殘隔花呼起夜歌鸞琵琶轉振
嬌無力博山欲炷龍腦寒眉稍散黛重重撥額
角輕黃正正安侍兒不語流鶯語海棠沉睡赤
欄干

述內

世人共道烏紗好君獨垂頭思豐草不能榮華
豈大人長伏蓬蒿終凡鳥富貴欲來官已休兒
女成行田又少盈篋算無千箇銅編衣那得一

寸縞陶潛未了乞兒緣龐公不是治家寶玉白
水清欲何爲不記牛衣對泣時

答內

少年讀書求富貴白手青雲能自致
屈首空云事已成到頭轉覺官無味
一尺剛腸五尺身我非兒女寧拜人
萊子有妻終是隱原憲無病莫憂貧
我腕如綿面似紙未得一錢先羞死
書生無才不解貪不是將身比秋水

湖上

流鶯舌倦語初歇畫巒微點梨花雪
茶槍白抽四五旗竹孫班裹兩三節
芳艸如綿陷歸轍花氣薰人醒不得
落紅雨過更愁人六橋十里猩猩血

五泄

銀河夜長天隄綻空中現出琉璃變
電布雲奔一派垂山都晝吼白龍戰
四壁陰陰吹雨足畫

巒活舞玲瓏玉天孫夜夜踏歌來。一曲飛珠二萬斛。

贈模上人

頭髮如霜氣如虎。欄杆十路撻生虜。手挈頭顱百顆歸。不曾半粒食官府。而今老來無氣力。縣家明文防鑛賊。空房夜雨刀瘢寒。兒孫驕呆去不得。

沈母篇為蕭山令沈廣乘年兄賦

女霜五月流空檻。碧海無波白日斂。贖得遺編苦教兒。淚作筆花血作點。頭白眼酸軻名立。部疏得報溫綸及。轉將深痛畏兒知。當面堆歡背面泣。湘湖水白蕭山青。花光雲片滿公庭。慙無一錢將供母。閉門親寫法王經。

過雲樓見連池上人有狗醜韭酒紐詩戲作

錢塘江上雲如狗。一片頑石露龕醜。苦竹叢叢

一嶺烟毛松落落千行非道旁時榜趙州茶室
中不戒聲聞酒更問如之與如何便是頸上重
加紐

又用前韻

少年曾盜子胡狗父母不容親戚醜每到僧房
索布衣更向佛頭種葱韭讀書十年未識字持
戒三生不斷酒恁有一般可笑人逢着師尼便
解紐

題潘生小像生嗜酒時將別

潘生肉頰權微起。面貌長在酒杯裏。何人傾出
酒波來。灑向溪藤五尺紙。憶昨逢君黃山道窄
帽單衫立深艸江上追隨又一年缸面甕頭幾
回倒殷勤留取篋中身。別後看誰先瘦老。

漂母祠

劉宗火冷寒灰滅浣衣噉上蘋花熟一飯王孫
直許錢消得鸞刀幾迴血荒街日夜走黃塵西

風酸斷石麒麟笑他白手女天子不及沙頭愚婦人。

淮陰侯祠

淮陰云解衣衣我推食食我

秋郊兔盡韓盧窘三尺青蛇捲鋒穎到手山河擲與人却向雌雞納腰領英雄杼足歸羅網辯士舌端空來往本將衣飯畜王孫未許肝腸敵亭長一局殘棋了項秦五湖西子白綸巾貪他一顆真王印賣却淮陰跨下人。

燕子樓

空窗畫掩紅紗隔一夕溫風長葵麥秋去春來雙燕兒年年啣粉扮粧額芍藥死枝不死根焉知黃土不青春幽魂異日逢楊柳應悔生前別舍人。

子房山謁子房

蓮花冠子紅犀導雪面風髯一年少夢裏山河博幾場抽身笑指長松道英雄老盡故交稀眼

底修毛幾翅飛功成辟穀或有以未必神仙須
布衣

爲楊粉署題小像

鷺溪冷絹花紋澁四尺春波吹粉墨幼與豈非
坵壑人筆底瀟疎誰貌得高人氣韻不在似如
寫寒松與幽卉寬眉廓額信手塗疎淡只似鋪
山水馬遷文章杜公詩此意却許徐熙知

花朝日伯修初度

紅花點點灼青樹開尊正值花無數不知庚甲
是何年但道桃花開幾度玉堂署裏課葵蔬鴛
鴦池邊領鷗鷺新年詩興更勃勃墨汁淋漓染
絹素驚雷忽發萬山芽俊鷹陡落平原兔一束
牛腰足自驕九陌飛塵何所慕花下兄弟睦州
禪夢中烟月油江渡擬把一竿隨丈人不向天
家作師傅

長陵

長髯真人別天上鵠馭龍驂轡千丈毳毼風鬣
滴烟香空山夜語姚和尚霜街寂歷吹松子皂
衣落落穿十里小臣有語叩龍鱗地老天荒呼
不起溪藤瘦石碧昂藏馬蹄踏水炬煌煌千年
山骨憑搜取當日龍沙戰幾場

夏日同江進之邱長孺黃平倩方子公家
伯修小修集葡萄方丈以五月江深艸閣
寒爲韻余得五字

落花點地成重五香翠熏泥粉沾雨買將安石
伴炎官鬼書未燥花先腐當窗一榻卷琉璃下
方五月吹寒楚姬公且自卻門檐茗椀漚花生
白縷

其二

下里詩人喚陽五酒腸窄窄無一縷空拳往往
博歡場如以孤羊角羣虎一蕉入口卽嬖姍浪
言欲作糟坵主天幸酒伯多知音嵇阮賀李相

推許鄧留豈必解披堅不飲何妨建旗鼓

和邱長孺

藤蔭朶朶碎光白古寺閒房坐佳月白家

邱善歌白

授也 曲子規如珠沉宮掉羽吹香雪五言七言

信手成刻霧裁風好肌骨筇根處處覓糟坵逸
思迸如春艸發世人三十進愁鄉眼睛直視胸
懷結天生蕩子慣窮途客囊冰冷心猶熱官既
無門名不有爾縱不言我心折眼中知己盡青

雲不能拔汝一毫髮七尺身材五尺臂離弓往
往穿金鐵貧賤熬人亦自難許身何苦太高潔
埋却中山十斛毫獵盡撩天千里鶻射虎韞鷹
一健兒無成何用空吻舌莫辭低頭拜大人溺
間騰下真豪傑

和小修

薊州新酒白石缸空雲影澄鴨頭江露梢千縷
撲斜窗黃笙藤枕夢吳艫葛絺小眼如雲涼星

河放教萬尺長

和方子公

酒困傷脾色昏沉下馬呼水煎人參皆云昨宵
倦苦極動以狂藥相規箴須臾甕香撲鼻來初
猶矜持漸浸淫尊隕壘決不可止突若一羣狂
猩猩脫帽擲天呼石語蒼旻不高海不深至哉
酒人天下樂寧有醉死無醒生

和江進之

一尊相對嘆枯老出囚逢他鄉道但令脫梏
卽華津寧論官高與官小剡溪藤紙百匹長渴
驥驚蛇惟一掃霜根忽地破東風千山萬嶺生
青艸閒水閒山處處行刻盡雲烟與花鳥娃宮
胥廟武壇山別後新函寄多少

和伯修

西風冒藤如冒索急雨穿棚如穿幕樹梢投地
水濺珠葛衫吹上毘盧閣乍黑乍丹雲態多驟

寒驟燠天公瘧熱席得雨亦快人愁殺山僧賣
花萼

和黃平倩平倩有文君盤出以行酒

臨卽酒壚卓氏盤。攜向禪堂醉裏看。橘皮蟹爪
未足云。分明遠山秋水寒。殘膏剩馥沾唇吻。引
得青娥入肺肝。世遠物微不可知。且欲借此爲
樂端。百盤一吸無遺瀝。奔注有若順風濤。醉中
逸思不可止。援却老僧新竹竿。書室十丈作鳳

字。平地躍躍飛生鸞。

顯靈宮集諸公以城市山林爲韻

仙人傑閣俯王城。西山見雨北山晴。高雲直接
薰爐氣。去宮百里聞鈴聲。古栢石幹青。亂枝烟
綃千尺屋。十楹東邊奈子結。老友却憶往年梅
客生

其二

野花遮眼酒沾涕。塞耳愁聽新朝事。郎報東作

一筐灰朝衣典與栽花市新詩日日千餘言詩
中無一憂民字旁人道我真瞶瞶口不能答指
山翠自從老杜得詩名憂君愛國成兒戲言既
無庸嘿不可阮家那得不沉醉眼底濃濃一杯
春慟于洛陽年少淚

其三

琳宮高處見西山濃翠隱約高低鬢幾年桑孔
筭雲烟人間巒石無蒼顏白雲向我意潛潛欲

從平地乞休閒東郊西隴皆官畝判取虛空任
往還

其四

松棚不濶濃濃陰池沼不寬濼濼深賓朋不衆
盡同心言語無多足知音三伏自然消暑氣何
用深山嘉樹林

顯靈宮夜歸

雲頭黯淡色如鐵撲衣打面旱沙熱六街潑墨

氣騰騰幾點風燈鬼明滅。鈴鐸當當辨古寺走
入衲僧蠶紙被。墮瓦拋椽雨閣眉。雷公腕脫車
輪碎。長風捲地天吹坼。一星透出層雲額。馬蹄
依舊逆衝颺。炬火不光天路窄。電光熠熠譜華
繒。細如姬髮粗如繩。雲山花鳥各呈態。天女飛
絲繡不成。人言閃電是天笑。天翁何事頻歡叫。
嫦娥歸魄織女藏。頑墨昏盲有何好。北安門外
水沉路溜點在簷。雨在樹果然隔轍分晴陰。雨

師似亦相回護。歸來門巷無燈燭。叱奴鞭婢旋
煮粥。墨花一瀉滿吳箋。殘雨疎疎滴簷竹。

邱長孺醉歌和黃平倩

廣陵細酒真珠沸。甕花泱泱倒河渭。研朱潑面
火生肌。離身一里聞槽氣。初如渴驥奔鳴泉。漸
如怒虎吞鸞馘。乍如山石壓一絲。又如雲絮泊
空際。須臾變幻如偶兒。乍孤乍末恣俳戲。又如
分身作數人。口耳心神不相制。旋風着樹刺鉤

藤郭郎舞袖張顛字口中牽絲舌力蹇千言不能達一義酒人諱醉強惺惺容貌矜持禮法贅強將拜跪學常人不覺欹身落崖砌千扶萬擁不能支吻中微聞呼白二簷溜丁丁滴到唇舉手推屋若辭醉一酣三日昏如泥齁聲吼若驚濤至天然一幅渾沌圖人間械路爭迴避白二邱郎也

德勝橋水軒集諸公詩

西山去城三十里紫巘青邏見湖底一泓寒水半庭莎賺得白雲到城裏芟葉濃濃遮雉朶野客登堂如登舸稻花水漬御池香槐風陣陣宮雲涼一番熱雨蹙波沸穿簷撲屋生荷氣乍時潑墨乍清澄雲容閃爍螭蛟戲簾波斜帶水條烟北窗雨後夢清圓兌將數斗蕙仁酒賃取山光不用錢

避雨崇國寺三日紀事

濕雲漲山雨不止一酣三日葡萄底天公困雨
如困醒醉人渴飲似渴水東市典書西典几團
糟堆麴作城壘明知無雨亦不行權將雨作題
目爾僕夫安眠馬束尾大甕小甕來日起

戲贈死和尚死心以秀才出家

原名文煒

鐵城焰裏熱忙身幾人能擲頭上巾題將百八
金剛子辭却東家老聖人少年意氣非等閒精
悍之色在眉間鎔取魚腸一匣水鑄作胡僧雙

耳環往年湖上逢開士藻月規烟說文煒但知
北海是大兒誰識南宗印真子海內學士聞行
履半說顛狂半驚死東方先生代解嘲秀字何
妨豎却尾瘦巖百尺突寒松冰谷千年貯古水
落花紅流入溪瀾請看風吹起不起

月夜登良鄉塔岡與子公諸友作別

秋水瀲瀲滴青霧城外人家城裏樹白埃一道
衝紅亭正是馬蹄離別處荒垣殘葉幾家村干

夏中詩集卷三
厓洗盡月波痕鄉關十路九貂虎未知托鉢向
何門驚禽一羽分烟去雲路沉沉安可論

趙州觀水壁憶真際和尚

幻士幻入水三昧博取天河作手戲跳珠迴沫
五尺餘一城草木掀濤勢古佛堂前栢樹子半
裂空心半髡死荒簷龍鍾幾病僧日暮空垣拾
菌耳堂頭老像如冰冷寒碑月寫風枝影石欄
獅子向東啼夜深喚却虛空醒

賦得斜風細雨不須歸

莫釐山上亭如蓋紐取蒲梢作衣帶絲烟細雨
着羅窗墨樹濃山瀉生繪農家閒記月毛生賈
舟怕見江猪拜是處皆將笊箸行誰家不得刀
鱗賣雲脚纔封馬蹟山輕雷忽過吳淞界湖州
萬戶入青煤七十二峯如錢大舖糟一枕鈎竿
眠不覺風波在船外。派派烟嵐刺眼眉折折雲
山鎖心肺誓將白水洗纓塵何用浮雲生肌疥

爲君屈指開元年高冠大纛幾人在一灣艇子
一竿絲不學成都先生卦

文殊臺

芙蓉萬尺花如鐵。秋窗畫酒紅霞屑。螺頂仙人
騎杖來。天衣曉帶雪山雪。帝遣神丁量海洗。繡
鐲斑稜生平砥。一萍吹作潯陽城。半七疏爲九
江水。高青直上一萬重。綠瞳笑成金泥封。烟重
雲骨不可去。怒鞭白雀惱張公。

瀑布

寒空日夜摩幽綠。霧縠龍綃披幾束。銀灣截斷
牽牛人。鞭起眠龍駕天轂。帝宮酒暖澆愁春。霧
汁茫茫瀉清淥。夜寒霜重玉女驕。袖裏金匱向
地覆。湘娥手挈瀟湘來。雪魄雲魂鬪不足。炎官
不到落星城。六月人間呵凍玉。

夜臥青玉峽看月

渴虹飲石夜蛟哭。寒屑霏霏灑蘄竹。一灣淨月

趁斜巒墮向龍宮寫幽獨。鷓絃斷盡鐵槽平。石
韻高寒譜不足。頭毛索索。眉人長幾時。買斷青
崖腹。五更涼夢。泊孤雲。以手捫天如蒼玉。

出城至大別寺題壁

漢陽山上閒巒少。漢陽城中人又老。娟眉雪齒
競浮榮。幾人頭上無青艸。荒墳如粟。秋山下。嗷
嗷鬼母訴長夜。山中老矣頭佗行。白骨堆中起
精舍。漢陽城如掌。大壯士。激矢穿城過。試登高。

閣數行人。潤帽青衫。凡幾箇。

舟中夜話贈馬元龍

十年不作沙頭客。舊時昵好頭盡白。偶然湖海
訂新知。久語寒泉落幽石。白沙着月水澄天。一
面吳綃滑冷碧。鑪聲沸盡火銷灰。不覺西窗墮
寒魄。世兒啾啾弄吻舌。豆火不光他自窄。等閒
揅手量青天。枉把虛空記尋尺。天池九萬自乘
風。不以蜩鳩損勁翮。

荆州前苦雪引
鮫民老困輸絹苦。私向龍宮販雲母。百馱夜經瞿唐門。峽鬼騎魚訴天府。鮫戶十竄九囚虜。淚不成珠天帝怒。骨白粉焦委黃泥。至今荆州唯白土。

荆州後苦雪引

東皇放晴亦不惡。何事飛雲巧穿鑿。入市不填萬井飢。積峽惟助江神虐。蔬盤日日嚼冰絲。豈

有羊脂克羹。雕撲窗打幔。十日落千門。無路貸金錯。厨斷烟銷牙齒閣。下方自苦天自樂。玉娘斜坐抱雙脚。仙官雲吏供嘲謔。東海盛醕黃姑酌。天狸夜竊九關鑰。倒騎獰龍捶金絡。羲和上書翻見縛。丁令無官化飛鶴。吁嗟天公待民何其薄。野人扶白覓溝壑。

春江引

濃烟抹盡春沙暖。錦雲炙日鴛鴦滿。斜嵐撲地

喜園先生集卷三
三
夜鬟香較取卓家黛深淺苔光勻綠堆春簡尺
闌題盡折枝短桂橈一劃破青天辦取藤鞋踏
山眼

哭劉尚書晉川

記相識相識黃鶴樓當時椎齒青衿子平揖方
伯古諸侯書司曹佐斂手愁公也置几頭拄頭
飲我酒庭幽幽千秋如火燒紅榴東眺晴川西
鷓洲少年佻達躁如猴枕肱疊膝百自由欵杯

畫筋恣嘈咻爾時山翁問余言乘興遂作洪山
遊中間離合苦不定長別已經十春秋去年三
弟山東來道公貌腴骨力適百八串珠不離手
言談清簡風颼颼未幾傳公病又傳已小瘳昨
者度門從淮返故里親見白旄黃腸出濟州使
我淚眼如江流三日欲語不得語枯咽喉海內
學道幾人在轉眼輒爲天所收去年哭潘去華
又哭我先伯修河枯岳折星辰死鳳凰不鳴鳴

鶴鷗天公于世豈相讐或者精光透泄不宜久
高賢大才理當歸一坵嗚呼既知歸一坵何爲
銀章緋袍白頭戀着不得休

和東坡梅花詩韻今年雪多梅開不甚暢
爲花解嘲復以自解云耳

世人鬪豐不鬪槁瘦而能立勝肥倒世人相喜
不相愁濁快豈若清煩惱寒花道逸花典刑不
與天喬論繁早根株虬曲幹橫斜總令無花格

也好山茶肥膩蠻腮紅蒲柳輕微媚黛掃孤清
灼月婢春雪白石蒼崖相對老只將黃髮領芳
菲忍令高姿伴花草山中夜逢萼綠華騎着么
鳳上青昊

其二

花神一夜色枯槁主人入門愁絕倒夜深花嘆
似人言主人百事重花惱一者庸工剪束繁二
者醜女折戴早三者頭上寧着老鴉啼不願俗

子相憐好。晒禪遺矢。主不知。花落青苔任帚掃。
筭縉立券坐花前。無酒無詩送花老。孤山事我
若仙姝。君之視臣如芥草。主人百拜謝花神。過
不卽芟如春昊。

其三

主人被謔如摧槁。空庭百匝愁顛倒。抗顏也作
花忠臣。摘葉披枝恐花惱。貯君玉照金谷之堂。
山驕石佞君開早。貺君和羹驛使之辭。調卑格

弱。君言好。我無紅碧爲君妍。莎臺莓榭躬除掃。
宋硯蜀紙李廷珪。折枝貌得花韻老。榮枯開落
等一觀。自覺與花非艸艸。月沉風止兩無言。一
方積雪照冥昊。

虎耳巖逢不二和尚

幽巖幻出支公面。瘦壁玲瓏點葱倩。百年一室
鏤青烟。澗石霜松幾回變。師言少日住西山南
內。風光眼曾見。武皇七年四月時。搭衣會上

戒壇殿白頭等死入名山四十二年若流電柳
梅挿得大十圍又見曾孫頭似霰夜深屈指數
朝賢青山閱人如郵傳元美伯玉今在無可惜
聰明死編撰

隆中偶述

蒼藤老蔽幽谿石瘦鋸棱棱網苔迹想得山中
抱膝時涼雲如水樹紋碧山莎滿地刺花紅草
堂斜掩一池風杖聲跼跼衝山鳥道是鹿門龐

德公開尊疊唱梁甫吟黃頭醜婦拔釵簪踏花
趁石窮幽嶮行盡溪橋聞恠禽一朝龍甲騰巴
水盡瀉清江澆玉壘西連鄴虜東狡吳坐策行
籌幾回死晚年隻手扶庸主文泣鬼神戰風雨
炎火不光漢數窮消得英雄憤幾許五丈原頭
石輾塵烟霜蔽却白綸巾始知伊呂蕭曹輩不
及餐雲臥石人

黃平備至玉泉以書見要倍道趨之馬上

曉枕濃和發清嚏知是佳人呼我字翩然一鶴
自東飛啣得巴江牋子至蠟花滿幅堆明巒要
我共踏青溪翠怒帆一掣截長波馬不待鞞捶
以轡頽藍疊綠渴平田纈林稠葉點清膩當時
京國好兄弟射堂佳月城西寺幾年拋沒嘆吹
雲又作飛鴻留爪地老去怕逢緣熟人夢回每
說金華事欲知銷折幾番心看我衣衫重疊淚

感舊有作

贈陳正夫

學書不成去學劍拋却鉛丹買弓箭六韜不直
一文錢穰苴終作灌園漢稻黍不收收莠莠勉
將方口救窮賤古紙烟黃書一通赤日方街磨
大硯泐波尺沫濡枯魚十年不識孔方面記得
魁梧美少年手把牙籤頌書傳花前月下幾吟
哦顛書自掃白團扇高冠大袖走文場身經大
小百餘戰幾年面上堆紫烟直腰曲背走鄉縣

家園賣盡子依人不及西家老曹掾身宮磨蝎
命驛馬五行勞碌君自見詩能窮人窮者工瘦
鳥寒郊無飽頓新詩字字挂人口不與妻兒充
饑餓如今貴者不讀書腹中猶如酒食店自來
好語出饑腸一字堪酬五十緡我亦辭官作乞
兒他時同人歌妓院

和穀字韻

江波日夜鳴頽綠眼底屏山青六六茶花冷齒

燒春雲酒暈生腮紅照肉先生吟詩新履道兒
童覓硯舊紗縠只覺營生讓怒鵬未許卑飛奪
倦鴟水響風枝伴楚吟濃烟淡月隨燕玉競奇
角險建驪場徹夜燈花守魚目規紅縷碧推好
手大地搜天快神足詩成佳惡自平章除却莨
稊留嘉穀

看梅用前韻

海上佳人字萼綠一笑曾傾三十六古來相女

如相士莫使精神掩豐肉洗却東家惡朱粉不
御人間閑綃縠一枝素艷倚蒼雲夜夜諸仙返
龍鵠騷魂冒雪走三湘客夢隨風墮羣玉氣條
繁蓋亂高情引得時流妄標目詠物寫生同一
肖不貌而工神已足孤山昨歲附詩筒千里函
題寄不穀

代廣陵姬用前韻 爲崔生作

低鬟染就宮雲綠麝裙曉展瀟湘六楊子橋東

梅嶺西歸魂幾夜銷香肉輕粧淡抹淺規眉愛
着生衣棄紈縠一身飄落等吹花千里家鄉任
白鵠東隣移去復西隣那得王昌與宋玉梅花
終作處士妻海棠暫試詩人目賣珠補屋是何
人方領長環窮也足但得夫婿不從軍同向沙
田種麻穀

借崔晦之過二聖禪林時諸衲子出紙索
書戲得猪字

柳瀾滴瀝溜春渠牡丹已老木香初黃蕉白紈
蔽香廬唾雲沫月課空虛剡溪十丈雪不如長
眉辟支手自舒波折瘦硬結淺疎細如春蚓濃
如豬書成詰曲不能讀牛鬼蛇神者誰歟天竺
胡兒解我書

甲辰會榜題名至時舊友及諸弟在場屋
者皆被落因及之

無翼而飛無脛走辰發幽都已南斗一丸紅蠟
半通函喧殺青童與白叟珊瑚未盡鐵網愁霜
蹄暫蹶麒麟吼了知妍醜任瞳人未必臬盧真
好手柳浪千頃雪粘天月下窪尊花下白隔年
兄弟校眉髭面上浮紋添八九南郭種蔬西郭
田山前着屐山後酒少年愛惜等佛名今日公
然破敝帚幽窗日上簟紋紅絕勝朝叅與卯酉
顛毛那許更烏紗花鳥雲烟共白首

聞省城急報

黃鵠磯頭紅染淚手殺都堂如兒戲飛鞚疊騎
塵碾塵報書一夕三回至 天子聖明臣斂手
胸臆決盡天下事二百年來好紀綱辰裂星紛
委平地天長閹永叫不聞健馬那堪持朽轡書
生痛哭倚蒿籬有錢難買青山翠

和東坡聚星堂韻

凍鳥無語僵寒葉曉起漫階五尺雪穿簾撲幔
綴斜風楯碧紗紅景幽絕鑪膏乍澁紫莢生研

冷煤枯霜頰折干梢擺壓鳳翅垂萬瓦齊鋪烏
鱗滅牙牆老鵠不知人却立靴靴如被掣月團
三百沸溫瓶盈碗漚花瀉文纈高禪滿坐攬榆
床佳言衝口梅檀屑楊岐偈子再三題麗老機
鋒時一瞥東坡先生寫雪真不用煩言與喻說
杜老梅花詩亦然廣平空有心如鐵

送惟長先生歸窆途中偶成

板橋絲柳黃泥路曾是從公送人處麻衫掃地

額沾沙蒿里一聲公又去長堤雨暗血滋衣旛
旒遙遙捲飛絮白楊無數鬼啼風三十六人唱
烟霧。人生要死何用愁。白日紅輪攀不住。赤髭
黃卷懺他生。皓齒清歌樂朝暮。薄留風雅駐歡
場。高築糟坵驅大怖。一斗憨憨睡寶池。大士心
許佯頰怒。少日倔强老更顛。料公拍手菴羅樹。

午日沙市觀競渡感賦

金鱗圻日天搖波壯士麾旄鳴大鼉黃頭胡面

錦袜額疾風怒雨鬼神過渴蛟飲壑猊觸石健
馬走坂丸注坡傾城出觀巷陌隘紅霞如錦汗
成河妖鬢袖底出巾冠白顛髻下立青娥朱閣
玲瓏窗窈窕輕烟倩語隔紅羅北舟絲管南舟
肉情盤景促歡奈何雲奔浪激爭撫掌亦有父
老淚滂沱渚官自昔稱繁盛二十一萬肩相磨
西會中璫橫幾載男不西成女廢梭琵琶賣去
了官稅健兒半負播州戈笙歌沸天塵捲地光

華盛校十年多耳聞商禁漸弛緩努力官長蠲
煩苛太平難值時難待千金莫惜買酒醅君看
至德中興後幾人重唱天寶歌

彭長卿自武陵至公安遊甚困便欲由梁
之魯入都歌以送之

瘴雨谿烟痕滿面去日北風打霜霰青鞋踏遍
武陵山溪流不泛桃花片千崖霞錯繡盤盤白
是羈人眼不見歸魂夜夜攪春雲夢裏黃金醒

後變宵寒枕上疊征衫曉雨街頭典行卷囊空
難買沙頭春一騎秋風走淮汴袖裏慵開北海
書匣中自洗端溪研杜甫南池李白樓兔園臺
館靈光殿七十老翁健如鍊騷場尚可背城戰
大耳紅頰酒百盞醉來猶枕桃花扇朱家門外
季布髡信陵席上侯嬴賤碣石天高曉月寒滌
河水滑秋雲濺幕府若逢裴相國一字應償一
匹絹

年年三月飛桃花楚王宮裏鬪繁華雲連蜀道
三千里柳拂江堤十萬家丹樓繡幌巢飛燕青
閣文牕起睡鴉鴉歸燕語等閒度不記江城春
早暮東風香吐合歡花落日烏啼相思樹王孫
挾彈郢門西少年借客章臺路少年矯矯名都
兒雕鞍朱勒黃金羈採桑陌上青絲籠紅粉樓
中白紵辭白紵綠水爲君起青春環珮如流水

古荆篇

東城絲管接西城相府豪華壓朱邸俠客飛鷹
古道傍佳人賣笑垂楊裏垂楊二月隱朱樓家
家宴喜樓上頭綦鳥喧闐朝送酒管絃嘈襍夜
藏鈎繁絃急管夜初闌惜花少女怨春殘桃花
灑灑歌成血蘭炷漫漫火送寒曉風楊柳菖蒲
浦秋月梧桐金井欄秋月春花無斷絕門前郁
李九迴折願作陽臺雨後雲誰憐洛水風中雪
陽臺洛水夢空長那似倡家玳瑁牀選得東家

嘉中書分生之集 卷三
佳姊妹却延西第好兒郎織成錦席迷蝴蝶種
得青梧棲鳳凰遊人戀戀無窮已踏遍江城春
萬里只解賓從集似雲那惜年光去如矢花開
花落迥生愁郢樹鄴雲幾度秋霍氏功名成夢
寐梁王臺館空山坵榮枯翻復竟何言昨宵弱
水今崑崙無人更哭西州路有雀還登翟氏門
漢恩何淺天何薄百年冠帶坐蕭索昔時噓氣
成烟雲今朝失勢委泥礫青娥皓齒嫁何人金

牀玉几爲誰作已矣哉歸去來楚國非無寶荆
山空有哀君看白雪陽春調千載還推作賦才

病中短歌

吁嗟我生年十九頭髮未長顛已朽病寒三月
苦沉吟面貌如烟戟露肘羸枯博得妻兒憐七
尺浪爲鬼神有篋裏殘書別故人几上龍鍾鬪
老叟無情莫問囊中錢有秭還克床下酒蟲臂
鼠肝彼何人嗟來子桑真吾友

袁中書先生集卷三
北邙
蒼松老鬣風掀舞。壘壘孤烟問無主。銅駝陌上
舊王侯。吹作行人面上土。山頭白楊化爲姥。夜
夜田中驅石虎。衣冠北向拜壽陵。樹上烏鴉能
漢語。

自從行別袁水部

自從龍門稱千里。天下風流屬袁氏。以茲仙郎
復擅名。依然彈冠粉署裏。我見行館沙市傍。市

上桃花照春浪。章華繞路幽蘭笑。巫峽趨門玉
練長。主人經年忽回首。父老相贈一卮酒。遊人
爭勒羊公碑。商婦共挽遺愛柳。龍洲江上一片
石。髣髴留君向君揖。甲帳開時雲不流。錦帆過
處香猶襲。傲然一舸下江浦。直到潯陽九折處。
湘娥綠粉掃晴烟。小孤雲鬢逗秋雨。三湘九江
昔所悲。長沙曾此別。東籬我今與子忝。同譜別
意悠悠誰與吐。君不見四世五公聲名極。青眼

望君君努力

長安秋月夜

長安城中秋月明六街九陌無纖塵先入樓臺
喧戚里次經池館趁遊人遊人宛轉無窮已千
門萬戶秋如水處處笙歌玉樹傍家家簫管澄
湖裏漢家天子幸平陽金蛾寶炬列成行吹簫
蹋鼓留天女斫玉燒金煮鳳凰才子後庭競度
曲念奴別館伴諸郎銅龍軋軋烏啼早金屋沉

沉秋滿長秋漏漸深歌漸闌感此如何不倚欄
願得長侍君王寵願得長隨玉輦看又願君心
如月皎那知妾貌如花老玉盃難收覆地流東
風不着斷根艸可憐今夜長信殿含酸飲泣悲
團扇未買相如學阿嬌難將赤鳳比飛燕香銷
金鴨妾自燒淚破紅綃君不見十迴看月九迴
顰手把輕紈繞月行盤花蜀錦傷心色子夜吳
歌斷腸聲紅閨紫塞三秋恨碣石瀟湘萬里情

年年先向離人滿。歲歲還依愁處生。年年歲歲
秋自好。獨憐嬌黛無人掃。未有容顏鬪月華。自
分棄擲同秋草。桂魄有恨不長圓。嫦娥無藥應
先老。願得秋光守翠幃。願隨流景送君衣。與君
並蒂原並吐。與君雙鳳不雙飛。江南蕩子無消
息。龍城征戍幾時歸。胡風刁斗愁聞雁。閨月簾
櫳懶上機。亦有當壚斂青娥。授色留賓態轉多。
雙燕有雛辭社去。孤鶯無偶奈秋何。已見迴文

傳錦字更聞尺素託。流波不道人間恨。洛浦定
知天上隔。銀河愁來自。白蛤連巾濕泣罷。青衫挾
瑟歌。歌已闕。月西傾。一年看一度。新漢武秦皇
消不得。却尋方士學仙人。

贈黃道元

海內奇士如君少。雙眼識君恨不早。紛紛俗士
盡輕肥。嗟君短褐長安道。男兒有骨不乘時。處
處相逢薦福碑。請君試秘豐城劍。他年倘有張

華知

白銅兒

白銅兒白銅兒閉眼不觀書與詩積玉輦金遊
帝里買得烏紗繡補衣歸來白馬嚇兒童黑紵
滿堂金字紅炙牛鎚馬邀鄉里青絲華館鬧春
風越女吳娃嬌侍側又欲凌空生羽翼房中素
女術無成汞裏金丹採不得洪都老道術最奇
龍虎真人張天師寶籙一箱金百兩牛頭可作

門前廡擊大法鑼鳴大鼓百餘道士揮白塵門
外旛幢引雷公江上芙蓉燈競吐後門逼債前
門捨乞兒歌郎趨滿野方士行來眼欲穿山僧
醉後顏如頰儒生讀書書總多白髮無官可奈
何生乏白金獻天子死無黃紙賂閻羅

長卿內子無如氏繡佛及諸人物行楷精
絕詩以記之

湖絲細嫩嬰兒髮水光灑灑春雲潔憑將聖手

劈秋毛巨斧劃開枯筒節十日一眼九日眉幻
出白毫光滿月衣摺瘦健貌清古筆墨無功畦
徑絕白描設色種種工活奪龍眠與松雪橫見
側出燈取影有意無意鴻沒滅絳州淳化老定
武針鋒摹出無差別誰能紙上臥王濛要使贗
充走殷鐵堂上傳視色生動四坐欲言口無舌
唐鈎森緊損神情宋繡婀娜無筋骨長卿秀句
奪雲烟佳兒指上現青蓮一家淨侶團圞語大

勝詩人王輞川

客有贈余宮燭者卽席同劉元定方子公
邱長孺陶孝若賦之

刻鳳含魚吐春燄只擬蓬萊天上見綠綈方底
散青烟一朝別却宮雲面不照明璫翠步搖書
帷自剪讀離騷捍撥春雷罷不聞細雨珠花滴
小槽韓家燈檠夜相伴離離朱粉烟黃卷瓦瓶
石臼竹方床上有羅文折角硯莫道不如宮裏

時高齋守盡蘭心茜。邯鄲才人嫁廝養。猶勝閉
置閒宮殿。柏梁宴罷霞成堆。昆明池底夜珠來。
紅膏白羶不得近。阿監但掃沉香灰。汗花凝滴
雪珠膩。蜀葵粉濕青蟲醉。一石酒盡尙留髡。扇
婢甕兒爛漫睡。燭龍傳語九微光。輸盡婪杯老
閒吏。

宮簾

并刀剪出淞水紋。黃琉璃滑淨無塵。華清日高

海棠睡。一片溫玉沉秋雲。花房晝脫守宮的。珊
瑚反掛瀟湘裙。掖庭展轉出坊肆。餘脂猶在香
氤氳。腐儒白首青蒲薦。十度摩挲眼驚見。寒色
平鋪四丈餘。虛堂盡歛白紈扇。骨冷魂清抱雪
眠。夢回每出松風院。少陵廣廈千萬楹。白家大
被蓋徧洛陽城。安得此席如此被。眠盡西華道
上塵。土熱中人肺腑如冰舌。不鳴三空九陌殷
雷聲。

夏日劉元定邀同顧升伯沈仲潤李長卿
邱長孺集城西荷亭是日熱甚得暴雨乃
解

火龍吐燄燒青槐繁鱗挾日戰雌雷黑雲蟠墨
濕崔巍兩頭未展風脚回羊角直上旋飛灰鳴
階稀點大如盃潑天猛溜破枯苔千荷葉翻浮
綠頰跳珠排沫紛喧唳飛瀑出厓車齧街髯虬
十部影鬚鬚鱗甲鏖刃相摩推匿床抱柱走童

孩舌齶雖張耳不諾破屏障身肌粟堆半臂未
到聲頻催高堂虛冷無餘埃蠅凍不飛棲梁煤
平頭次第陳罌罍黑岑牟進羯鼓開胡粉假姬
上場來宮紗淺袖雀頭釵當筵一笑紅玫瑰蓮
花過酒香流顛錯觥沓籌迭排詼餘枝滴瀝落
生梅門外青波沒馬臺

萬壽寺觀 文皇舊鐘

先皇舉手移天轂無冠少師鬢髮禿已將周孔

一齊州更假釋梵。鹿冥族。鎚沙畫蠟。十許年。治
出洪鐘二千斛。光如寒澗。膩如肌。貝葉靈文。滿
胸腹。字畫生動。筆簡古矯。若游龍與翔鶴。外書
佛母萬真言。內寫襍花八十軸。金剛般若七千
字。幾葉鐘唇。填不足。南山伐盡。覓懸椎。諸葛廟
前。刈古木。震開善法。忉利宮。撼窮鐵網。蓮花獄。
禺湖龍去。幾春秋。二百二回宮。樹綠蒸雲。炙日
臥九朝。監寺優官。誰敢觸。大材無用。且沉聲。吠

蚓啼蟲滿山谷。今皇好古。錄斷溝琬琰。天球
充黃屋。十龍不惜出。禁林萬牛。回首移山麓。滄
海老。霆行舊令。洛陽遺耆。開新目。西山但覺神
奸潛。易水不聞金人哭。道旁觀者。肩相摩。車騎
數月。猶馳逐。翠色蒼寒。欲映人。當時良匠。豈天
竺。萬事麓疎。誰不然。今人不堪。爲隸僕。興悲運
慈。又一朝。萬鬼如聞離。械梏幾時。諫鼓似鍾懸。
盡拔蒼生出溝瀆。

蛙飲歌

衆蛙強飲角雄雌怒顛鼓腹入清池池面不減
一涓滴千衆蹣跚醉淋漓學宮老儒課童子長
頭短項叫相隨蒲根荇底互嘲笑我吻猶燥汝
不支白龍魚服過而語汝輩雖飲奚以爲衆蛙
曹怒呼其侶波心跳擲如熊羆前馳大腹後丁
尾鼓角雖雄劔戟疲白龍一呷池水渴諸蛙駭
愕號且馳聚族隱姓入汙泥羞教東海見涔蹄

賦得朱華冒綠池

曾見雲錦光明地花采雖繁無生氣又見楊妃
出浴圖未離宮粉香奩意花意高潔水清冷色
態兩絕非濃膩坐看風曉月斜時柳妥烟沉天
欲醉不放玻璃光激灑高窗低箔如茜染辟如
新晴水碧天也要紅雲亂粧點

雲起樓爲徹如賦

白雲縹緲如仙客只在軒前人不識高人與雲

若故知近固追隨遠亦得鬢鬢人物偶爾成豈
有神情與香色泊然一以氣類從如磁與鐵自
相卽主人玉女潭邊住樓居正直高崖處赤欄
翠竹與山平便是孤雲來去路朝隨馬跡渡頭
風暮宿罨畫溪上樹雲耶君耶遞爲主茶烟濕
處飛泉怒雨中自有徐熙山秋來忽遇王維句
只今長安浩浩塵雲亦隨君馬上去西山逼眼
萬螺青是中應有雲流寓東華舉首卽重霄垂

天漠漠如飛絮

畢少叅舟中見武錄知邱長孺被落詩以
悲之

鞭策麒麟柴車下疾走不能先駑馬客座見書
身毛寒瀉水高談爲君啞穿楊萬輩豈易君胸
中奇麗如春冶早知大黃亦悞人悔賣囊中未
央瓦嗟乎長孺臂在身韜在腹彈射百家蒐九
流驅使兔毫如箭鏃

宿遷道中阻風和方子公

黃河水濁如泥注曉起顛風欲斷渡白頭舟子
歛手愁黑霧籠竿大王怒黃熊廟傾庚辰死潭
底獼猴鎖不住龍驤萬斛掀一毛恠鴉作語灣
頭樹我告舟人亦偶然神靈未必苦相怖驅風
走浪乞羊豕神若有知神亦惡僧伽古塔向來
靈月下心香聊一炷假寵乞憐非我心何以供
養唯無懼人生禍福有前期辟若古郵亭上路

中山觀長公雪浪石

銀鈎錯落繞盆唇遭時燬禁石僅存峩嶺積雪
裏玄雲坐令靈擘羞季昆黑山夜渡蛟波翻飛
濤挂壁天迷昏旋流入眼風生痕一洗河北印
板紋石中應有道子魂

天開巖

不到天開巖不見此山奇僻趣辟如讀書不讀
石鼓與邱墳不知古人幻變笑兀處石下常生

有蒂雲石旁粘着無根樹。骨格遒勁毛爪寒。山
鬼吞聲巨靈怖。靈隱寺前萬竅風。石公山上一
方霧。

觀音菴爲一心隱齋上人題

古鎗百斛沸春雪。衲子如雲謝不得。堂頭拊髀
飯頭飢軍持。每注珠泉竭室中。夜語秋花墜舉
世三寫烏焉字。難將真藥苦投人。衲衣偷裹菩
薩淚。宴息六度萬行場。敷衍水月空花戲。觀音

妙法最難思。山僧功德不可議。

千佛堂爲玉輪上人題

千佛堂中千箇佛。眼底諸君皆髣髴。旁邊突立
千佛巖。紺衣剝落千年物。寒風十月枯青嶂。短
尾饑猴跳枝上。毘盧帽子茶褐衫。道是堂頭老
和尚。

般若臺爲無懷上人作

般若禪人曉禪味。辟如屋底看山翠。又如人持

京師書雖不是香有香氣荒臺老骨一片青風
吹日炙石文腥攜將三百溪藤紙摩取四十二
章經

西林菴爲從石上人題

西林禪人東林弟朝作新詩暮作偈將禪比詩
不爭多色裏膠青水中味室中枯坐一繩床
風吹出沈香氣

集張園分得對字

秋芳老盡枯香在。釭花夜煖朱絲佩。洞庭橘子
割霜寒。碧椀青盤雅相對。鈎月半牕吐薄暉。長
眉小史換宮衣。金爐火急焦聲碎。杯面魚珠點
點飛。

步小修韻懷景升

江濤日夜銷梅冶。長髯仙人在其下。歌樓夜雨
蠟燈紅袖壓。金卮點籌馬篋中。時有青銅淚。賓
客無歡神色醉。欲將心腹苦于人。前門投刺後

門避世人眼塞開元錢那能讀得貞觀字百萬
拋來李白窮十千唾手袁羊戲溝水至清河至
濁漢宮不重東方朔天池老盡垂天翼斥鷃公
然乘羊角

從軍行贈程生

生善刻玉

留都十日九塘報程生拍手向東笑三百斤石
一手提自典冬衣買烏號元霜十月道途難雪
花如石打馬鞍敝衣三尺不掩體尚說淮南氣

不寒自從和議成反復正使羈囚尚書幾天子
咨嗟發帑金經畧提兵過鴨綠材官猛士氣如
雲玉刻腰帶金麒麟朝廷豈無胡都堂人間不
少戚將軍往聞倭奴寇浙時義烏貴者至千人
倭奴機關亦易與結羊揮扇驅婦女十步一伏
九步連八尺神刀吼秋雨程君切玉如切肉倭
刀雖強不過玉

達磨影石

石影酷似人間所繪初祖像有大儒欲闢異端刮其影不能盡

禪月羅漢天下絕。螺烟滲石光不滅。面紋漆黑
眼生稜。衲衣袖展秋雲潔。幅巾談道老先生。以
刀割影影愈微。如蟲蝕木偶成文。鏡花豈必生
枝節。中山廢圃石如鐵。白浪纏身捲飛雪。移向
山中作一盆。飄然乘風葦可折。

過斡脛河

北風浩浩吹酒池。萬娥夜舞糟邱堤。飛廉手把

火旗麾。少師踟天不敢啼。是時獨夫眼方纈。古
鼎排庭瀝豹血。姐已頽紅倚曲欄。野人霜下踏
冰裂。須臾縛致軒屏前。皴肌凜凜顛垂雪。斡脛
傳視血淋漓。仰天大笑瓔珠絕。已見愚臣心孔
多。又見耄叟骨如鐵。殿外執圭聲唯唯。聖度如
天鑿似水。西方罪臣老更尪。口啣枯艸談陰陽。
朝披雨雪夜眠霜。哀焚瘞朽目汪汪。何異爇火
仰三光。

綠雲菴爲蒼麓禪人題

天女乘空灑藍水。秋雲染就層山裏。瀉地捎天
萬尺長。客霧郵風二十里。篔簹谷前君山側。水
冷山枯行不得。藤花格子竹方床。眼裏叢梢如
舊識。

河陽

潘郎種花如種麻。百里霜鋤耘錦霞。掃香少女
紅沒了。東渠西汜浮落花。潘郎去後委泥沙。春

風如旅歸無家。道旁瘦樹怒槎牙。明星未出啼
老鴉。烏鬢三尺被襠斜。

驪山懷古

薄雲淺照玫瑰紅。一笑君王三舉烽。羯鼓樓頭
鼓一通。霓裳夜舞玻璃風。赭山梁海老英雄。鑿
地出天開幽宮。月珠如炬。脚兩龍三泉照。澈白
日同蓬萊。方丈遠不逢方士。談仙如鏤空。舫舸
滿載。稚芙蓉堆珠積玉。海波中千歲老狐穴深。

袁中郎先生全集卷三
叢陰厓占斷石簾櫳飛鳥叫火燒青松鳴雨鳴
風恠哉蟲

梨雲館類定袁中郎全集卷之四終

梨雲館類定袁中郎先生全集卷之四

公安袁宏道中郎著 孫憲健崧圃重鐫

五言排律

涇陽驛見王子聲壁間韻愴然有述

只合臨漳死曹家鬼好文。楓根猶有繡。夜壑豈
無春。研乞銅臺瓦。姻求洛浦甄。歌遺塗粉客。衣

逐賣香人客鬼輕殘蛻騷宮重楚魂死生日晝
理夜樂勝朝輦

賦得野竹上青霄拈三江韻

烟勢分層岫寒梢瀉綠瀧鸞翹拔地洗龍羽撲
天降雨押釵頭重飈回个字雙隨根來北舍遞
影入西窗翳日巢幽鳥敲風吹小厖簷頭懸渭
水屏裏繪湘江曲路通斜閣交枝覆斷瓦微霜
天女粉幽語梵仙腔椽笛知遺族漁竿識舊椿

梁成雲泛泛雨以碧淙淙自起操三弄時來倒
一缸主人那得比唯有鹿門龐

和五弟韻

覆地蒼雲濕垂天綠瀋濃窗開生翠疊箔卷膩
烟重妥尾千梢鳳拏空萬部龍入風旗纛亂敲
月珮環從嶰谷追遺律篴管墨舊蹤高寒排雨
氣瀟颯冷雲胸漾壁頽藍水遮門浩碧峰湘娥
斑瀲灩莊叟籟于喁銅榦平欺栢霜髯欲傲松

袁中書先生集卷四
二
橫分清偃蹇側鞞醉龍鍾鐵畫唐鈎鎖龕村杜
刃鋒箒書豪蔡格箭枯美吳儂碎影琉璃榻鮮
香琥珀鐘他時裁笋籜規製取芙蓉

王回先一夕尙痛飲叫笑如常時侵曉三
弟來云回病且革以爲戲也急往觀之回
奄然逝矣遂爲長律哭之

道病猶疑謔那知畢竟非命輕殉粉黛形老憊
甘肥事業憑唇立家園信手揮分身衝酒陣一

笑解愁圍黑白人人是恩仇面面輝牢籠心入
竅輕巧語當機望節朝團社聞歌夜款扉乍來
乾鵲喜忽去飽鷹飛六月綾紋袴三冬葛縷衣
預愁酤少值不畏室啼饑面古堪描畫耳頑耐
刺譏甌中無糝粒袖裏有珠璣世法猿愁檻歡
場馬脫鞵醉猶喧夜月死不待朝曦破屋遮遺
薦寒蒿倚素幃一城俄冷落四衆半歔歔在在
盤殮減門門笑語稀襟懷詩客盡氣運酒家微

夏口曾先生集卷四
三
貌熟人頻夢。名輕鬼不威。鴛亡魂宛變。蝶死蛻
芳菲。猶勝西隣叟。黃金帶不歸。

法雲菴同諸開士限韻

送雲歸老岫。荷蓀量幽潭。古榻連池損。癡禪着
謎。叅閒膠踏石。屐小立探春。驂竹路編籠。子花
時過長。男艸侵紅版。谷蕉短綠天。菴角焰抽寒。
穗鑪絲吐睡。蠶農人占九九。童子契三三。溪鳥
藏深艷。澗毛露淺鬚。疏經通老衲。書額過精藍。

欲訪東林去陶家借竹籃

又次前韻

恠石含斑蘚。幽雲抱古潭。茶助憑水策。詩理入
禪參。白帽紛春社。紅衫過篠簷。紈書沉篋笥。紙
筆付兒男。鼯鼠全河飲。蝸牛一殼菴。有冠徒似
范。白繭可悲蠶。瘦削山容獨。酣沉柳夢三。近烟
紅淡泊。着雨綠鬢鬚。香膩煎雲母。溪光瀉蔚藍。
僧來伸紙看。一幅古魚籃。

旃檀館雨中限十一韻

臥觀殘帖蠹閒撥冷池灰洗碗供梨汁分壚炙
芋魁雉班穿砌笋兔目長宮槐謝草吟三復支
堂看幾迴思深泉透石吟苦將啣枚敝冊膠春
鹵花箋汗曉煤鳩飛頻帶子鳩雨不通媒種藥
愁沙澁增欄值岸頽茜衫官長過小服野人推
木壁塗番像丹房裂淨苔松菁欲放蒲自起斲
旁萊

香光林卽事用前韻

宦網弛三面禪心積久灰歲功聽瓦卜天紐問
杓魁老蠹穿香節寒蟲叫古槐江花排岸出泚
水到門迴割裂窮巴衍俳優畜馬枚沉思竭廢
井久語墮梁煤子鶴難爲父妻梅不用媒立窗
石皺瘦困雨竹隳頽花社僧來訊鷗隣長可推
附舟求洞藥置檻養盆苔作意爲農去湖田怕
長萊

法華菴雨中諸公以詩相角限得六韻
苦發寒鑪竅閒書折股釵琢雲裁月遍儷白粲
紅皆筆悞翻釭落金清入梵諧分闔時一賽驅
悶幾回徘徊古硯文全蝕廢鐫耳半埋毘耶多口
老閒引散花娃

雪中限韻時寓沙市同度門作

天女呈新纈寒梅著典刑熨沙温凍局擁闕讀
仙經蒼跡紛殘篆枚濤恣遠聽鷺饑卷似蝟蟲

窘字如丁一國琉璃觀千枝發刃礪鏡開古水
照澁熱老龍腥漏跡埋番夾寒澌結膽瓶禪心
降槁木僧夢怯巖扃臥客全肖蟄寒姑早驗鴿
皓姿三十里清遠隔吳涇

其二

蒼茫沉地魄吼怒峭花刑鑪冷荒茶譜年豐驗
稻經王正書法首國令免庸聽入樹占男女候
晴卜丙丁凍毫書破字古繡結殘礪岩闔魂先

入水窗夢亦腥分箋疏白事溫水護青餅撥悶
頻呵局思山屢啓扇歸兮耘舊圃餒矣憶原鶴
欲訪佳人去寒舟閣淺涇

雪霽後仍用前韻

帝女傳花信陽官布省刑簾霜淋故額窗彩爛
殘經軋軋聲初亂烏烏樂可聽題書邀寶月祝
面憶添丁薰帖防新潤磨烟散古硯茗花香後
灑艇子過時腥老樹波千溜寒梅月一餅粉光

勻水市青黛撲門扇玳瑁驗盆鯽連錢玩小鶴
面暄酣白戰決口瀉河涇

舟中看月仍用前韻

陰霾如不掃風伯有常刑樓閣雲初坼玻璃魄
乍經沙容兼雪看鑪響入泉聽近閣梅題遜橫
江鶴姓丁詩魂將化石霜穎發於硯河鼓呈天
練鮫宮匝冷腥夜光辭嶺蛤舍利瀉吳甌窈窕
宮腰國倉琅帝子扇穿林眠凍兕觸葦叫寒鴿

濯足求清瀨剛腸惡濁涇

舟中風雪遲蘇潛夫遊玉泉不至和客韻
立盡寒枝影佳人宵不來掀帷拋斷夢撥筇寫
殘灰南郭頻愁籟東林每憶雷樹髡啼猶狘雲
凍失邱魁江滄奔瀾疊山流膩綠頰精靈憑化
骨神力假于慧一掃狂霾去千峰萬嶺梅

其二

積陰負故臘莽莽壓天來白馬酸冰渡蒼猊死

凍灰祝晴頻夢火詛雨孰鞭雷撥悶憑毛氏澆
寒命草魁垂頭花擁腫裹絮衲隳頰看帖遮愁
眼噓天鼓怒鬚青娥隔帶水負我一窻梅

題曾太史退如愍齋用十三覃韻

底事欲名愍百城臥老蟬愚公谿正北痴叔舍
偏南罔象珠懸幕無懷籍滿函花頭羞豔豔燕
口怯喃喃庭市空心樹窗凝太古嵐侍兒修渾
沌稚子學沉酣杜口非無舌忘情似不男

佛經

有謂五不男者猶言無慾意也 已甘中散七未

害虎頭三乞巧樓全卸醉鄉路可探知亡如守
墨想盡類修曇兀兀迦陵轂茫茫甕繭蠶無絃
琴亦弄不語謎須參一枕莊周化多方惠子慚
盲方醫後見黑味飽時甘坐挈雲將去神行不
用驂

小齋有隙地植花木數本同孝若寓庸賦
得松字

一曲莓苔地風光屬老慵稍除疏冗蔓畧植典
刑松徙石雲紋出移花月影從買時纔數本栽
處已三重紅葉剛遮砌高枝未掩筇榦唯求老
健姿不取纖濃籬筍猶呼鳳稚藤也學龍夜堦
雲泔泔晴檻雨淙淙障日聊鋪葦防窻且益封
公然藏小鳥亦自集閒蜂分翠來屏扇流香撲
酒鍾折攀愁楚女澆剔倩吳儂景入單條畫清
連恠石供幽奇無大小袖裏九華峰

夏五望日興德寺紀遊得興字

麴侶爲前導僧雛接後乘城中十里水世外一
行朋似眼初除翳如禽忽去矰摩苔因看碣敲
盞爲呼冰松老前朝在編遺手記曾倦來披數
帙興去躍孤藤鄰竹幽堪借古槐醉可登溪光
時載郭杯影忽沉僧雲片輕綃斂天容定水澄
稚兒行趁蝶髯客坐驅蠅蒙密蒼枝覆晶瑩皓
魄升甕開新易水瓶煮舊宜興梵集諸方磬波

然萬室燈月尤增澌灑風小露威稜乍入宮荷
氣斜分霧樹層涼衫輕魯縞時品薦吳菱互立
談門戶旋刊酒準繩杜康將佛事莊叟作魔懲
近水終憐鷺飛槍且笑鵬思光空任誕求郡復
求丞

集元定行記齋再賦得原字

淨綠無餘地鮮芳綴滿盆風迴香出苑雨洗碧
澄軒滿壁長林字盈襟易水痕客來談白傅書

去覓青原托疾常澆藥無憂亦樹萱幽絃清入
潤淡墨遠成村見酒猩猩態憐花栩栩魂階前
三石甕座上五方言難至窮仙朔杯行謔贅髡
聞歌半晷靜得采一堂喧怒若乘秋鶻競如渴
水猿暝朝時錯亂醉醒客更番戶小停詩罰籌
多訢酒寃語深僮僕寐觴苦教條昏入樹河垂
沒亞枝鳥漸翻歸途傳遠炬鸞衛已呵門

元定齋不甚寬而布置有態器具亦精餘

興未已仍用原韻賦贈兼訂後來之約

莎徑荒才翦叢梢影漸繁山苗分杞菊鄉信覓
蘭蓀碧蓀蟠爲几黃蕉掛作門卷中流峽水屏
裡識湘源引月來陽樹邀風入淨軒摩鐘絲蠶
出洗硯墨蛟翻戶識王恭雋家憐次道溫清談
還正始近體襍開元問衲騎頻去呼兒鳥忽言
蓮苞收茗葉綺石養蒲根官長衙叅少山林奏
記煩團參充午飲瑤柱出常殮殊域皆隣里時

賢盡弟帚酒鎗貽子哲石墨往平原算口常先

鶴舖糟不忌豚思光鷺羽扇宏正犢皮禪周宏正夏

日着犢皮禪庭卉非時爛鑪波徹夜喧星飛銀碧落

炷老鐵崑崙採藥朝朝舌登山夜夜魂易求王

烈髓漸了尚平婚會意成三笑歸憐買一村他

時烟壑底洗足聽清猿

夏日城西月張園看荷花得蓮字

曉起聞兒說隅西已有蓮幘猶懸壁上屐已躍

門前樹接宮雲近花藏廟市偏魚行清冷澗人

語綠沉烟露葉無多綻風香繞一屢徧呼荷蕙

侶馳與蠟紋箋任意巾衫去隨身酒盞傳題詩

新滌硯煮茗自澆泉有壘微添石因窪小作田

涼風吹面盡明月到堦全鷗鷺掃閒地梧捲屬

冗員聊爲避暑飲拚了月支錢

遊金山寺見舊作有述同遊者兩謝君方

子公張明教及童子二仲也

壁上苔痕字回頭十二年方平猶眼底江令是
生前童子來扶杖山僧試煮泉浪中驚隼出塔
下古蛟眠駭目洞心處危藤峭石邊無栽慈竹
地有縱怒鵬天一壁雲皆碎千溝瓦忽縣波涵
萬里月石老六朝烟楊子來歌吹南徐閱井廔
萍飄建鄴鎮豆許海門船鯊鬣遮晴島珠胎射
綠淵雲堂招賈客鹽鼓供朝賢夜火朝嵐市風
枝水響禪山中無印老休舉帶因緣

過三橋莊莊在真州城西余舊遊地也今
屬潘稚恭

江上喧闐甚城中乍解驂坊趨芹社北水過石
橋南了路今猶識榜楊舊亦諳未曾添屋舍稍
覺足雲嵐鶴立琴臺石鳥巢畫舫庵長廊安棊
几斜幔隱書龕碎影柯枝亂疎行竹柏參異花
防鹿踐細果畏禽含奕客頻留勢騷人每過譚
解空猶負墮高戶也沉酣幽意關魚鬣新思類

繭蠶起居凭鄴架來往借陶籃地暖溪毛翠日
和林鳥謫江南山信美隔水看堆藍

重九日登釣魚臺限韻

臥柳侵官道長堤接古墟宮斜十里粉畫壁一
枝蘆白果將垂砌紅蕉半掩廬僧貧茶具廢興
發酒甌虛恠鳥鳴空院寒花伴野蔬堦前雲沒
岫床下水平渠淨業蓮花社鄉思柳浪居道玄
唯有髮中散竟無書去矣雲中鵠知之濠上魚

至日集山響齋送陶孝若諭神門限韻

時節回燕谷家山問渚宮頭顱將化雪腰領漸
成弓鄭艸終爲帶楊經竟是蠹瓶無濡鬣水筆
有怒鵬風古道水添石寒崖翠倚楓門前端木
過瓢裏子淵空白脯聊從俗青襟解惱公四箴
書兩壁三禮語諸蒙皺瘦多盈袖芎藭盡入籠
廩人供麝墨月俸買肌紅小史髭皆皓隣齋耳
未聰蕭然心澹遠自振乃孤蓬

夢回青草峽人遠細腰宮意氣爭新鏢文章寶
大弓白頭耽月露蒼簡註魚蟲墨老研秦土衣
寬變魯風苔文鐫翠壁蘭楫繫丹楓山市烟如
滴溪潭影似空飲猿知接臂言鳥解呼公門下
疑夫子吳中恠阿蒙異書搜古穴珍茗出筠籠
北海杯中白彭宣座上紅拔釵妻子怒識字小
兒聰著述門常掩微風語斷蓬

其二

其二

馬上千盤嶺中山數仞宮詞場猶負弩文戰忍
發弓韻滅石家醋仙成脉望蟲長官天子諺鄉
里大王風水影皆涵岫人家盡樹楓燒松雲滿
市登閣翠流空山鳥呼閒客奇峯禮上公魚胞
真白別龍尾廩相蒙謝屐常移齒張髯免入籠
夜泉頻點白曉露自研紅古鼎時留日蠻音每
塞聰讀書師仲蔚三徑任高蓬

上元日同王遺狂過燈市得來字
無復他時意春燈試一來寒株陪艷蕊老女上
歌臺疾雨檀槽鬧溫風玉斗催西隣波灩激東
市火崔嵬絲竹情終在樽彝眼乍開梁國逢故
侶老矣舊鄒枚

別恨篇爲方子公賦 附六言排

種得油麻未長撇他李子何安寶枕鴛離絲斷
金鑪鼻死灰殘忍啼一語兩語纏腸千端萬端

總角痴兒駭女接命朝饗晚餐獨自弔形弔影
誰人知煖知寒天上人間地下死難鬼難妾難
舟中與諸上人談亡友潘雪松事詩以記
附七言排

爲向山僧述老狂這番清淚又沾裳薄紅腮頰
秋生膩湛碧瞳人夜有光阮籍一杯澆磊塊徵
君千頃泛汪洋方言故事閒編集白水青霞洗
肺腸玄理每將叅國是冥譚直把作家常終年

袁山甫先生集卷四
問道忘人我老去論交絕輩行五十金閨纔挂
籍八年符璽尙稱郎虛心聖主憚詞正側目權
臣避矩方大易傳成王弼死小桃園就洞仙亡
蒲萄方丈新蓮社首帕街坊舊燕梁司馬也須
楊惲在廣陵終作孝尼傷極知實落棲真地不
是荒唐渺嘿鄉魂魄若歸先洞府平生開口說
天堂他年京國西州路勸殺羊曇哭幾場
梨雲館類定袁中郎全集卷之四終

